

續修四庫全書



《續修四庫全書》編纂委員會編

續修四庫全書

上海古籍出版社

七一二・史部・地理類

〔嘉慶〕東流縣志三十卷 〔清〕吳 簾修 李兆洛等纂……………一

〔康熙〕臺灣府誌十卷 〔清〕蔣毓英纂修……………三二七

〔光緒〕湘潭縣志十二卷 〔清〕陳嘉榆等修 王闓運等纂……………三八九

〔嘉慶〕東流縣志

〔清〕

吳簾修
李兆洛等纂

據復旦大學圖書館藏清嘉慶
二十三年刻本影印原書版
框高一八九毫米寬二七八毫米

嘉慶三十二年鑄

東流縣志

本衙藏板

序



江蘇省立圖書館藏

吳大令渭泉宰東流政聲
最著邑其為治勤懇
以脩墜起廢為已任而務
順乎民心故政和而事無

康序

不舉縣之志脩於乾隆中
繁簡多失其宜乃招延文
學諮訪耆舊輯而新之於
輿地沿革農田學校前志
所略無不援考精核而其

鄉人士之忠孝廉節嘉言懿行幽隱而未章者搜採必周敘述必以實卓然可以希風古人矣東流漢陂澤石城兩縣地也始析於

康序

南唐閔宗元以來且千年自安徽分省而縣與江西之彭澤界為長江上游距省會不過百里其山則蜿蜒盤礴連亘徽歙土

壤雖隘六形要所資矣夫典城司土命之曰知縣苟其縣之阨塞地利城郭溝池樹廬謠俗被服飲食有一不知即不足以副其名坐

康序

堂皇撫鳴琴而求所以知之惟據圖按籍或庶幾焉余至安徽於所屬郡縣徵其志或無有或久故不脩其條綜可觀者十二三耳將

其智識固不主以及此歟抑
簿書期會之所迫奪誠有
岌、焉日不暇給者歟然
則如渭泉者真無愧於典
城司土者也

康序

四


嘉慶龍飛二十有三年太
歲在著雍攝提格仲夏
之月
賜進士出身兵部職方司
主事武選司郎中

軍機處行走鴻臚寺少卿
通政司參議大理寺少卿
兵部侍郎都察院副都御
史巡撫安徽等處地方兼
提督軍門隨帶軍功加三

康序

五

級紀錄十八次康紹鏞撰



序

國家功令凡州縣志書閱六十年輒一編纂蓋條例之詳定教令之要束章程之遷改歲有變通非隨時

韓序

綴錄則考治者無所循而胥吏或因以詭法其孝子順孫義夫節婦賢人文士之事蹟可紀言行可以備文獻者久湮沒不稱即放

失而莫稽尤非所以表幽闡微歆勸風俗者也東流為邑西界江右為安徽門戶必適省會

韓序

國初操江巡撫駐池州則

二

縣尤為附省衝要限之以名川環之以叢山地瘠狹而民氣醇樸為治者固當急求於備豫之宜殫意於安養之道權目前之先務

求前事以為之師舍志乘其奚所問途哉渭泉吳侯令東流五年勤於官而惠於民凡所設施咸有成功邑志脩於乾隆之二十三

韓序

三

年歷年六十矣乃採掇近事為之賡續詳攷古典補其缺遺本末粲然靡不綜核考前此脩是志者順治時為蘇侯謨乾隆時為蔣

侯綬皆著循績祀名宦迄今輿頌未去於口渭泉之所為豈不足以比蹤二君乎余承

恩命旬宣是邦每自循省

韓序

四

懼無以周悉民隱脩舉廢墜既以渭泉之能勤厥職為愧而尤望司土者皆如渭泉庶幾可以匡其所不逮也故於其書之成忻然

序之

嘉慶二十有三年歲在戊

寅仲夏

賜進士出身江南安徽等

處承宣布政使司布政使


韓序

五

山右韓克均譔



敘



六

東流縣志

序

一

東流踞池屬上游背山面
江爲古彭澤地予柴桑人
也里居與今彭澤接壤去
東流二百里而近南北往
來風帆上下東流爲必經
之地前予宦遊時每過其
處必指而目之以爲晉淵
明之故蹟在焉思泊舟一
拜其祠兼訪其山川風土

一切有關典故者以誌生平景慕之思方匆匆未暇也丙子歲余出守池州東流爲其屬邑吏循例進東流縣志則乾隆戊寅年間

修也公餘披覽稍得崖畧嗣東流令吳君渭泉來謁語次道其邑之建置沿革及先賢之故蹟近日之風土人情益詳則以爲幸官

此地得覽其志且與其賢有司接獲聞所欲聞之爲快而獨惜舊志之久而漫漶殘缺卽事例之有待於增續更正者不少而賢有

司之見聞宣之於口不如筆之於書之可永也戊寅春余權安慶篆吳君以新修縣志告且屬余敘之夫吳君之政事吾知之矣賑

菑民決疑讞葺城垣施藥
物諸如此者美不勝書而
菊江亭之建今冢宰英樹
琴先生記之併爲之圖以
懸諸亭壁間則吳君之能

東流縣志

序

四

興廢舉墜於地方之典故
名人之勝蹟不令湮沒又
可概見茲復於簿書之暇
倡修縣志以垂久遠而脩
采擇若吳君者可謂留心

吏事者矣予旣喜吳君之
治行又以東流有古彭澤
之名其山川風土一切有
關典故者余皆究心焉而
欲得其詳今邑志之修適

東流縣志

序

五

在余守郡之時則是書也
以爲志東流也可以爲志
彭澤也可卽以爲志柴桑
也亦無不可因樂爲叙之
俾列名於簡端焉若夫正

其體裁精其考校補遺刪
冗存信闕疑可以行於今
而傳於後則有賢有司之
倡率亦諸君子從事於茲
役者之責也

東流縣志

序

六

賜進士出身

特授江南池州府知府前任內

閣中書

軍機處行走

欽命庚申科雲南典試吏部驗

封司主政文選考功司員
外郎掌山西道監察御史
欽命督理五城街道察院

題掌河南道監察御史

欽命巡視北城察院

東流縣志

序

七

京察一等奉

旨記名以道府用隨帶加二級

又加三級軍功紀錄四次

尋常紀錄五次潯陽蔡炯

譔

東流縣志序



昔先王省方太史陳風以觀民而設教故小史之職奠世系辨昭穆以邦國之志為先外史之職司三墳掌五典以四方之志

李序

一

為重志之由來已久矣東流一邑民貧地瘠三面濱江宰斯地者理案牘勤撫恤檣帆所集往過來續巡防稽查日無寧晷以故縣志之修不暇及也吳君渭

泉於嘉慶十六年冬來宰是邑越四年卓異引

見回任後政簡刑清百廢俱舉建學宮補城垣立書院重修天然塔菊江亭其有功於東流縣

李序

二

者不可勝述因於稍暇之餘接見紳士虛心延訪就舊志而重新之非好勞也蓋

國家功令凡州縣志書之纂不踰六十年其間風俗之轉移城

市之遷徙民數之增減賦役之重輕因時而易亦宜隨時而志况孝義之民節烈之婦尤當急於表彰以風勵末俗而可使之湮沒而無稱也哉考縣志之修

李序

三

始於前明正德間至

本朝則修於順治九年乾隆二十三年其舊志類皆簡畧少次序惟蔣君綬所修者較詳而其

中因訛踵謬間或不免渭泉本

其夙昔之延訪者叅以舊志缺者補之畧者詳之訛者正之失次者序之複者俚者刪之閱半載而書始告成夫亦猶行小史外史之遺意也戊寅歲渭泉調

李序

四

繁將之太和任

上憲命余代庖於茲乃甫入境而人物恬熙道塗修治市無刁悍之子獄少縲紲之囚固宜其殫厥心於翰墨間也他日者載

之輜軒獻之

朝廷其可以備正史之採擇者

將於是在矣是為序時

嘉慶二十三年歲在戊寅季夏

之吉文林郎署東流縣知縣事

李序

五

任城李書明拙齋氏撰



東流縣志例

志者古外史之遺所以辨地會考文獻備太史之採善
長吏之治爾雅之士以資故實以勸民行者也當仿史
例各成篇局不得條瑣雜誌以壞文體

傳志圖表文家之例非史專名此法不具不可以載事
舊志皆簡略惟蔣君綬所修者較詳而裁取未當分天
文民事等目亦非是今定圖表志傳為四目目別為第
焉

地圖宜用開方法使邑境之廣輪表徑輦然分明隣界
相接處必於圖後詳距某縣治若干里至於鄉鎮坊保

東流縣志卷之

例

一

亦必詳其距本城若干里庶幾舉目瞭然絕無淆混舊
圖殊疏

城圖須圖城內街道巷市廨署坐落亦當按里開方舊

圖一縣治已占半城甚疎也

十二景圖竊意無取蓋其地已載在古蹟志若必按景
繪圖繪不勝繪且舊志如歷山遺澤遠而難徵蓮洲春

色望江亦可有之是徒增俚俗也今悉刪去

恒星一度當地二百五十里今縣地南北僅一百八十
里以云分野甚屬愴况今附其說於疆理志之末而刪

其圖